



10807

金華詩錄卷七

宋五

徐僑

僑字崇甫義烏人淳熙十四年登進士第調上  
僑主簿理宗卽位禮部侍郎真德秀奏僑亮直  
可置言地而史彌遠猶在相位不報引年歸端  
平初朝廷更化除祕書少監改太常卿召對帝  
嘉納之歷工部侍郎以寶謨閣侍制奉祠卒謚  
文清僑兄侃倬學于呂祖謙僑獨學于朱子朱  
子屈於慶元伸于端平僑之力居多初見朱子

宋

金華詩錄 卷七

稱其明白簡直命以毅名齋亦號毅齋所著有

讀易記讀詩記詠雜說文集若干卷

發書僑請以周  
敦頤張載程顥

程頤朱熹從祀孔子而以趙汝愚侂食寧宗帝首納其言 徽獻略文  
清學有元本朱門之嫡嗣也吾婺朱子門人曰杜枏杜燿皆伯高弟王  
瀚王治王溪皆師愈子王介潘友端潘友恭潘友文潘履孫皆金華  
人傳定郭津李大同馬仲王皆東陽人輩曲武義人應純之永康人

毅齋卽事

自吾齋外付諸兒除卻詩書總不知苔色上侵閒坐處

鳥聲來和獨吟時十分秋色重陽近一味新涼老者宜

調得身心能自慊止吾所止復何疑

見濂洛  
風雅

楊與立

與立字子權閩之浦城人受業朱子之門學者



稱船山先生嘗知處之遂昌因遷于蘭溪明章懋收之蘭谿志志湯溪者以其地今屬湯溪爲湯溪人云所著有朱子語略二十卷蘭谿縣志北山何公魯齋王公皆嘗訪道于先生先生一見北山稱詩之由是盤溪之從遊始盛魯齋亦有就正于攜堂船山粗識伊洛淵源之語按北山有往拜迷道詩魯齋和之推許甚至其遷于婺州亦大可據也

幽居

柴門聞寂少人過盡日觀書口自哦餘地不妨栽竹木  
放教啼鳥往來多

溪頭

溪頭石磴坐盤桓時見修鱗自往還可是水濱魚極樂

宋

金華詩錄 卷七

二

不須妄意要投竿

吳正傳云有道之言氣象自別頗與魚鳥不驚鸞喜不除意同

倪千里

千里字起萬東陽人學于呂祖謙爲時所宗淳熙十四年登進士第以縣最擢御史正直敢言除起居舍人兼侍講卒于官史稱公饋不入門

私書不出國蓋介特之士云

倪同榜第三人孫祐字居敬官監丞京尹不以道辱

太學生抗疏論之不報請外歷憲湖南嘗書真寶心地簡徑法門于庭所至有善政有畸恭集借不傳亦東陽人

贈大資政厲文翁

手持三尺弼皇堯凜凜英風振市朝千里山東思召伯  
十年海內仰臯陶遨遊上界星辰近出入天中雨露饒

何用燒鐙尋活法只須洗耳聽鴻韶

蘇簡

簡字伯業金華人父遲轍長子建炎中知婺州

奏減和買本州羅額二萬八千民爲立祠子孫

遂家焉簡以祖蔭承務郎歷龍圖閣直學士卒

有山堂集

按伯業仲茲兄弟爲蘇伯衡遠祖宋景濂伯衡文集序云其先居翁山自文定公長子遲知婺州遂家焉今爲言或有据因從詩粹收入錄中

次韻張正民遊智者寺

養拙何所詣白晝門常關剝啄有佳客遶郭橫秋山曳

杖動遊興幽尋爲怡顏佛刹在山麓清淨非人間三峯

宋

金華詩錄 卷七

三

聳而秀一水清以環寺同喬木古僧與白雲閒一鳥不

復鳴流泉自潺湲山林足勝踐世路羊腸艱

吳正傳北山遊記出城西門遙

望芙蓉峯十五里始至其下爲智者寺梁靈瓌師深瓶在今實名刹方韶卿金華遊錄補至智者寺山路有亭扁北山唐乾元二年八月縉雲縣令李陽冰篆書

入而爲倚松亭過橋有亭扁靈源小憩亭上又潛齋王公書靈源勝地四字真

之雲堂後廡寺僧莫之貴也金華府志梁武帝名樓約受戒號智者國師辭還適谷口見白氣浮空曰茲地三寶當興普通間勅造智者寺金華縣志樓惠約

烏傷人母夢吞金象有娠生而膚皜皜白因名靈皜字德素年十七落髮于上虞東山寺更今名

蘇簡

簡字仲茲簡弟以廕補官爲太府丞少侍祖轍

以文采知名所著有穎濱遺言雙溪集

大父令賦舊扇

裁紈作團扇當暑不離手炎涼一推遷委擲昏塵垢蒙  
蒙蛛絲網闇闇迷遠岫人情逐時移浪自分好醜一朝  
被收錄已迫朱明候開篋振浮埃清風復生袖

樓瀆

漳字質夫鄞人宣獻鑰子官至宗正丞遷居東

陽鳳山

宣獻政魏集有送漳丞上虞詩質夫曾爲上虞丞詩略云  
江海匝三垂長隄捍驚濤球高幾如山潮至不畱殘宜和

有遺跡能使湖浸灘陂湖謹蓄洩可以救旱乾長溝濟漕運浚治令  
通寬此皆丞所職勿憚心力殫父子之間其所期許者大也東陽鳳  
山樓氏謂始遷自漳從

樓氏家乘錄詩三首

隱居鳳山清明寺

風塵滿天下此地獨清明神州何處是有淚落新亭

宋

金華詩錄

卷七

四

鳳鳥久不至哲人嘆已矣空畱千載名寂寞殘陽裏

日上鐘未鳴老僧睡猶熟誰是山中人長享清明福

清

寺在東陽縣東三十五里唐咸通中建在  
鳳山之阿今曰慈雲胡樓俞三姓重建

許復道

復道字從道東陽人通籍後遷居烏傷沈潛六

經尤長於春秋嘉定十年登進士第長子堪應

武舉同年中式時論榮之調淮西總幹以致仕

改通直郎子貴累贈中大夫有講義文藁

峯回亭

羣山恣奔追勢力不少駐亭亭一峯轉中道卻反顧萬

牛疑推挽獨立了不懼居中挾雙峴頗復成鼎輔蘄然  
若不與寂爾甘衆怒狂瀾頓回靡砥柱屹當路擔囊與  
驅車至此各弭步還哉峯上亭用以厭馳騫

東陽縣志峯回亭在縣南桃巖

後以峯巒回顧縣道而名今俗稱山背亭是也相傳元時末嘉高則誠從烏傷黃文獻公遊終日不聞讀書既辭歸黃偶登其所居樓見壁間書乃琵琶草讀而奇之追餞此亭三杯而別因傳爲三杯亭

### 涵碧亭

沿途聽潺湲蒙茸冒沙石誰知此山下千里在咫尺潭  
潭光明宮皎皎心印宅石細泉自香水淨林逾碧風雨  
填空來萬夫助推激座中起波濤足下殷霹靂我來縱  
雄觀神意了莫逆心鏡洞表裏坐久萬籟息悠然到平

### 金華詩錄

卷七

五

淡渙然春冰釋

涵碧亭詳見前

### 王埜

埜字子文金華人介子以父廕補官嘉定十三年登進士第仕于潭真德秀爲潭帥一見異之遂執弟子禮遷樞密院編修兼檢詳官襄蜀事急朝廷議講和埜上書請先定規模并力攻守尋爲副都承旨又請出師絕和使理宗然之命樞密院下劄三閩諭旨拜禮部尙書以察訪使出視江防遷沿江制置使兼江東安撫江上晏然拜端明殿學士封吳郡侯與宰相不合以前

官主管洞霄官卒贈七官位特進有集

潛齋始得山橋隱居

記章貢周子後古括張曜之訪予寶石精舍因尋一仙遺跡將遊鹿田過山橋望兩巖間有竹一坡竹外有石一拳意其中有佳處涉澗觀之澗多亂石水蛇行斗折或湧或激夾岸林樾幽蔭森爽東仰竹坡也竹中巨石林立極大者有二一臥坡者如垂鸞翼一跨竹外如負鰲背二石夾兩崖間仰視崖巔崖壁蒼峭草木蒼鬱竹外則瀑泉寫石支流貫左崢嶸噴薄細若操琴壯若奔雷水激風生竹樹爲之嫋嫋直南數百里之山若開畫圖山舊爲胡氏業以余愛之遂舉以質明年春同浮屠氏如勝往度其地將結廬築臺爲游息之所耕山釣水讀書彈琴以終太平志願畢矣 方韶卿金華游錄鹿田寺僧舍壁間有邵倅金陵吳琳題詩中一聯云雲暗雨來疑是夜山溪寒在不知春潛齋王公和其後行數里至潛齋所營山橋穆陵御書山橋草堂四字 劉後卽跋潛齋詩本學術陸師友扶忠質紳邪佞愛

君如愛親

上霄洞

吾聞北山陽洞壑實相竅何年開鴻濛隨地通窅奧朝

宋

金華詩錄 卷七

六

真高難攀冰壺渙莫料詭怪者雙龍厓室最蒼峭上霄  
雖晚出煙霞寄孤嶠尋源陟空山訪仙欵遺廟始探頗  
偏窄稍入亦窈窕上穴由梯升旁穿須火照青厂旣鬱  
鬱白乳仍矚矚徑實多曲折幽眇轉奇妙竊搜豈不欲  
所畏自微爍昏昏蝙蝠飛悄悄鼯鼯叫或疑洞靈出或  
恐山鬼嘯又聞邨中氓鑿石供灰燒俄然得溪處傾城  
盡登眺何人不好事室塞迷其要此雖幸獨存荒僻委  
蓬蘞儻移傍京邑車馬日號召了知神仙事茫昧不堪  
甲豈無隱淪士巖築像惟肖畚田沃可畊澗水清可釣  
平生愛泉石自謂飢可療喜茲近五隱來往足談笑此

意復誰論行行逢荷蓀

金華府志上香洞金華縣東北三十里金華山南石壁環抱如城郭之象或云卽優游洞是也

磊磊亭

磊磊澗下石泠泠澗中泉澗阿有幽人結茆泉石邊泉洗許由耳石礪子荆齒所以山中翁長年遠朝市

棲碧樓

神仙好樓居况在泉石間豈無謫仙人伴我棲碧山碧山高峩峩澗水鳴潺潺誰與會此意一笑心自閒

磊磊亭棲碧樓

在山橋草堂

寄友

欲采夫容花秋江渺難涉言念美人居西風舞黃葉

金華詩錄 卷七

七

溪莊

旋栽楊柳爲溪步更結笆籬當水門家在溪林人不見

江邨新月幾黃昏

絕句

雨重垂楊綠未乾一渠流碧弄潺潺鴉過盡東風惡

獨倚衡門看遠山

馬光祖

光祖字華甫東陽人寶慶二年登進士第調新

喻主簿累進同知樞密院事拜參知政事以金

紫光祿大夫致仕光祖前後三領建康寬養民

力以去其非便民德之立祠以祀又嘗知臨安府歲飢議賑榮王府積粟甚多請謁不得見強見之辭以無粟不得賑乃出懷中帖歷歷數某庄某倉積粟若干王語塞出粟以爲之倡民賴以活卒謚莊敏

### 汝南灣

當時只號汝南灣後有三人住此間自謂逸民須隱約

並稱賢士想高閒祇緣水味多殊異且欲鄰居數往還

好事有時相就飲不妨鐫腳對青山

焦氏筆乘汝南灣當秦淮曲折處齊陸慧曉清介自

立家于灣前張融牽船住听上鄰以居劉歊及弟璉二人並居其間水有異味時共酌飲之馬制使光祖有詩云云

宋

### 金華詩錄 卷七

八

### 劉仕龍

仕龍字時甫義烏人淳祐元年登進士第從戎

鄂州召試閣職除閣門舍人請外出知復州歷

賓廉奉祠起知雷州會敵犯境戰死時景定五

年後帝昺卽位以狀聞贈侯諡武節所著有青

巖雜藁

馮夢得武節墓誌事親孝蚤任戎鄂以父高年不忍一日去父爲詩酌酒勉行至朔期慨然興念亟歸省道半聞訃

號懶幾絕治家嚴教子以禮法與人周待族親以睦鄉鄰以義設藥市貸家粟問善嚮起里人稱爲長者閒居築園嘉花靜竹泰然于于

自號東麓山人 按武節父祖伊字怡堂亦能詩有題石壁精舍云結廬投老瞰羣峯隱隱松杉曲徑通刺植池邊千蕋竹近營林下一

巢風歛眠盡絕春來夢跌坐閒看月墮空檢點吾生婚嫁了子孫無事惱衰翁所見不多因附于此

知廉州條上邊事落職主管台州崇道觀賦感

人生百年中窮通無定迹譬如風前花榮謝亦頃刻  
時牧牛豎尊貴誰與敵顛頽種瓜翁乃是封侯客丈夫  
苟得時糞土成拱壁一朝恩寵衰黃金失顏色古今諒  
皆然我獨何嘆息墓誌開慶歲遠服荒微去天遠且地號障海民不習戰  
先是十餘年有言敵狡謀他日必用出牂牁故智時宰  
弗是也至是果然乘隙吏亡具相顧束手時李公會伯制置兩事義烏劉侯任龍  
守賓甫至繕關隘飭門器未幾易守廉簡廉如在賓時數條上邊事時宰忌之徑  
坐是去然二郡  
卒獲全侯力也

王同祖

同祖字與之號花洲金華人淳祐中官建康府

通判改添差沿江制置使機宐文字有學詩初

藁

按花洲事蹟郡邑志俱不詳王虎文作徵獻略亦不爲立傳  
僅附夜步內門絕句一首入文學傳後小註今增錄五首

宋

金華詩錄

卷七

九

夜步內門

靜夜孤燈人未眠等閒行過內門前一聲唱徹連珠喏

碧檻朱闌綠柳邊

自注皇城夜  
間唱連珠喏

冬日金陵制幕書事五首

督制堂堂兩重臣駐師移府夾江濱資糧屨屨多多辦

更有舟車乞與鄰

自注時督制兩閩移長江岸應援東閩亦  
自維揚提兵會合軍需等物多本司貸之

官車聞說定廬州破虜功成一滴油自注一滴  
油弩名知勇功名

付元凱王三錫命到康侯

自注此詩爲合肥作金人以重兵三十萬  
圍城者四十餘日制帥杜公于援兵未至

前不動聲色而破之  
子俱奏雋功受上賞

城中守將方投死陣面將軍已賣降版築紛紛成底事

那知靠後是長江

此詩爲滁州作金人圍滁城凡兩月守臣陳廣竭力挫之已有退志會援師築城于江甯未進廣以中傷死有

內變金人遂入而城亡矣

薄晚官軍得勝歸家家戶戶挂旌旗陣前犯律明于日

師入城來半不知

自注爲往來過軍作

三五同僚出幕時公餘終日意遲遲歸來又被梅花惱

撥穴銅囊插數枝

張森

森字餘之浦江人淳祐時由明經歷官湖廣潭

州儒學提舉

重午有感

宋

金華詩錄

卷七

十

空山值重午采蒲南澗濱蒲生裹白石澗水清鄰鄰蟠  
根寸九節服食能通真采之不盈掬土潔含芳辛行行  
登絕境有花如車輪奇哉世莫識持叩山中人人人耳  
垂肩羽佩青衣巾乘鸞控元鶴汎景下滄溟我行意其  
仙再拜詢所因仙人攬花笑見爾還千春語我勿復道  
倏爾無畱塵歸來有餘嘆三嚙華池津

厲文翁

文翁字聖錫號小山居士東陽人唐御史元之

後少保模子初名髯翁理宗改從今名寶祐元

年登進士第歷官太府卿權戶部尙書端明殿

學士兩浙制置使封東陽郡開國侯少從葉味道學既入仕練習經濟上自陝蜀至湘漢下及

徐淮地形險易攻守之宜輸輓遠近屯戍要害

瞭如指掌在淮泗領郡牧以此獲濟小山主人諫竹詩見全芳備祖

又有詠梅句云暮雲春雪江南北回首人生嘆路岐詠松句云且喜臥龍常自在新詩特地報平安俱佳

### 庭竹

渭川未暇栽千畝庭檻聊須種數根最愛淡秋羣木脫

獨欺風雨戰黃昏

### 時少章

少章字天彗號所性金華人瀾子寶祐元年登

### 金華詩錄 卷七

十一

進士第調麗水簿擢史館檢閱未上授保寧軍

節度掌書記奉祠歸著有易詩書論語孟子說

六十餘卷又有論孟贅記易卦贊雜文古歌詩

總爲所性集若干卷日記十卷所性自敘東萊先生講學金華吾宗老輩翁然

從之叔祖鑄字壽卿鑲字長卿實爲領袖東萊先生兄事壽卿弟視長卿伯父溘溘泉及吾先人則日在講下時四方來學者千有餘人子溘築室顏曰學古前植丹桂後倚蒼柏大皆蔽牛每休則同人讌集而東

甌特多葉公正則始介陳公同父以來已而戴公肖望等居最後則劉公茂實蔣公行一陳公頤明皆往來其間薛公士龍訪先生留數月

先生偕以遊學古每思一時良聚未嘗不恨生之晚不及躬播灑從事也

詩數南渡時天彗評唐百家詩多切中語而詩流罕見稱述今節錄于左

左高常侍詩有雄氣雖乏小巧終是大才岑嘉州與杜工部遊皆唐人巨擘也王昌齡尤所寶玩李頎于諸人中尤有右意沈千運王季友尤老成端光義而下常建崔顥陶翰崔國輔皆開元天寶間人元

和而後雖波瀾闊遠動成奇偉求如此遠遠清淡不可得也楊巨源清新閎麗有元白所不能者武元衡令狐楚皆以將相之重聲蓋一時其

詩宏毅淵遠與灞橋驢背上者異矣錢起屢擢場廬繪李益中表酬唱  
大歷十才子中號爲翹楚司空文明結思尤精二皇甫亦鐵中鏘鏘戎  
昱詩多軍旅離別之思益益工意益淺虛全奇怪賈島樂誦自成一家  
張祐趙嘏集多律詩小才也于鵠曹唐候蟲自鳴耳許用晦工七言然  
格律卑近陳雅二陶薛逢崔塗皆慕爲組織百救一豆時或見之三劉  
二曹如負版升高竭智畢力要自有限元英荀崔卑陋已甚退之所謂  
蟬噪非耶右時氏諸評在嚴羽卿前往往符合詳吳正傳詩話中宋一  
代惟知學老杜瘦勁晚唐纖靡時獨雅毅盛唐而于晚唐諸子直目以  
小才又李頎王昌齡近方大顯而時先亟賞之其識故未易及正傳詩  
話又記時于洪景盧萬首唐絕外更集得千二百篇名續唐絕句其學  
該洽又如此  
惜今不傳

### 田園歸述懷

持筐摘禾黍田瘦禾粒微  
挈挈就水春袒褐自揚箕  
道逢失羣鳥向我悲且啼  
中情不自白張喙若舍飢  
闕然戚我心傾筐聊餒之  
妻孥出門望暮挾空筐  
歸寒突無薪火相看各怡  
怡飢至不足言但使心無違

宋

金華詩錄 卷七

三

### 夜行水際

夜涼星滿川微風動高荷  
荷露一揮灑徧水生圓渦  
一氣湛相入遙遙接明河  
徘徊重徘徊奈此清景何

### 春日登城

崇隍轉修竹飛豹度絕巘  
登車感頽憊撫節欣燕婉  
桃李蕾稍紅茁柳芽亦清  
卷放鳶天紺碧弄鷓鴣溪  
清淺何當具柴車彌年此  
游衍

### 冬狩行

北庭十月百獸肥夜植虎  
落朝打圍倒榛伏棘一  
千里

疊鼓欲渡繩橋西  
西風吹塵暗如霧  
賀蘭花驄踏風去  
老麀鉞交作兒啼  
橫飛一矢貫兩麀  
將軍十指撮矢笑  
四會周陞皆絕叫  
牛酒過山酺爾曹  
今年拔城如拔毛  
三山鄭懿稱所性清雋峭拔自成一  
家真一代瑰璋絕特之文此詩生氣  
拂拂從十指間出亦已邁絕等倫又  
其遂性賦序云子受性剛褊與多忤  
賴先人明訓未墜天節獨以寒餓切  
身之故龜勉從俗懷蕙猶同臭之懼  
思欲遠舉自遂躬翔世表而揆之義  
理或非所宜乃作遂性賦推天假命  
以自戒則其爲人可知矣

朱杰

杰字子俊金華人寶祐中官豐城令

遊九鎖山

九天虎豹不守關  
瑤京夜半墮塵寰  
化爲青山故曲折  
中有玉殿開仙班  
白龍天來三百丈  
飛沫直下琉璃灣

宋

金華詩錄

卷七

三

神仙可望不可卽  
桃花伴我歸人間

見洞霄詩集

葉豈潛

豈潛字潛仲金華人佐廣西漕幕

蟬

柳邊曉立看蟲蛻  
化作風餐露宿身  
林靜晝長吟不絕  
騷騷清苦似詩人

鰕魚

漁翁今度答簪富  
政是桃花水漲時  
網得文鱗如墨錦

買來楊柳是金絲

一詩出後邨千家詩

陳森

森字茂卿義烏人工詩黃潛稱其詩如瑤花琪  
樹世所罕見卒以詩殉葬

南海南

連弩聲響黑風壯白日滄波影相盪神蛟一去還不還  
淚溼空荒卷煙浪盤渦蜃氣高盪天老鯨夔蛟那忍眠  
老鯨已化子獨返越山越水青茫然樓船夜半猩猩語  
黃葛花開墮秋雨

花石行

延州靈草隋川柳舞鶴瑤川稱萬壽黃金壓帶土精元  
絕壁崢嶸挂南斗山前落日歸暗塵封狐啐啐化爲人

宋

金華詩錄

卷七

西

講鷹不飢空爾噉淫淫吳絲繞蛾綠上皇自按新翻曲  
宣和墨

元精翻空野雲起仙人夜浴天河水秋聲催墮白榆花  
飛入吳宮數千里金屑琤琤雜如雨青藜老人悲不語  
百年飛鳳野榛荒鬼拾璠瑜出禾黍腥風吹衣慘無色  
日落營樓翻鳥跡元雲一夕飛上天恨血斑斑化秋碧

野戍

白草望不極朔鴻過驛亭江喧營鼓暗火盡獵雲青虛  
警啼鳥起酣歌戰鬼聽天霜弓力勁古血劍痕腥夕枕  
思衡水秋書到井陘傷心故關月萬里去南溟

宋自適

自適字正父金華人號清隱

柳

絲絲煙雨弄輕柔偏稱黃鸝與白鷗纔著一蟬嘶晚日

西風容易便成秋

見全芳備祖 又送愿父弟句云江湖多少盟鷗地莫近天津閣畔行見真西山題跋

宋自遜

自遜字謙父自適弟號壺山居士

一室

一室冷如水梅花相對清殘年日易晚夾雪雨難晴身

計繭千緒世紛棋一枰麴生差解事談笑破愁城

見藏奎律髓

宋

金華詩錄

卷七

五

五月菊

東籬千古屬重陽此本偏宜夏日長會得淵明高臥意

故來同占北窻涼

見後邨千家詩

金華詩錄卷七

金華詩錄卷八

宋六

何基

基字子恭金華人師事黃幹得紫陽之傳確守  
師訓而精神意思愈出不窮與門弟子王柏序  
正諸經其淳固篤實絕類漢儒趙汝騰守婺延  
聘不就薦之于朝景定五年與建寧布衣徐幾  
同被召各補迪功郎添差婺州教授仍兼麗澤  
建安二書院山長咸淳初授史館校勘兼崇正  
殿說書屢辭改丞務郎主管西嶽廟亦不受卒

宋

金華詩錄 卷八

一

德祐元年祭酒楊文仲請謚文定有集

王魯齋何北山先生

行狀文伯慧宦遊臨川而勉齋黃先生適為令二公言論風旨犁然  
各有當于心見二子而師事焉首教以為學須先辦得真實心地刻  
苦工夫隨事誘掖始知伊維之淵源以餘事言之先生之文溫潤融  
暢先生之詩從容閒雅皆自胸中流出作字清勁結密世傳柳法盤  
溪之上有宅一區翛然于水竹之間閨里鮮有知其學問者自船山  
楊先生一見之後人始聞之嘗謂為學莫先立志每讀朱子遠游歌  
所謂願子馳驅車獵險摧其剛使有凜乎任重道遠死而後已氣象  
勉齋門人趙公汝騰來鎮東陽首加延聘且以名聞于朝故先生有  
詩曰閉關方喜得幽棲何待邦侯更品題自分終身守環堵不將一  
步出盤溪先生不肯出之意實權于此 吳正傳請立北山書院文  
平時不輕著撰惟研究朱子之書有大學發揮十四卷中庸發揮八  
卷大傳發揮二卷啓蒙發揮二卷太極通書西銘發揮三卷行世已  
久近思錄發揮十四卷論孟發揮未脫臺文集十卷藏于家採輯精  
嚴開示明切實宋學之津梁聖道之標的 正學編遺事太守係軒  
趙公希悅貽書勸駕赴麗澤東前賢山中出雲雨太虛一洗塵埃山  
更好之句以勉先生就答以畱取閒身臥空谷一川風月要人看  
發書北山作字清勁世傳柳法一室中巨編山立皆加標註小楷精  
蕭見者心開趙星渚嘗問王魯齋曰北山何以教學者魯齋曰北山

未嘗開門受徒未嘗樹一  
言爲宗旨以誣後進也

和吳巽之石菖蒲

菖蒲綠茸茸偏得高人憐  
心清境自勝何必幽澗邊  
節老葉愈勁色定姿不妍  
堂中賢主人與汝俱肅然  
豈不與世接自遠塵俗沾

和會之往拜船山先生至大安中途迷道自警

詩

審問方知道冥行易失岐  
每因貪徑捷多致落欽嶽浪  
謂途人惑先由己意移知  
津要端的直造始無疑

寒夜寄友

宋

金華詩錄 卷八

二

月色窺人冷梅花何處香  
遙思樓隱客高嘯白雲鄉

春日閒居

輕陰薄薄籠朝曦  
小雨斑斑溼燕泥  
春草階前隨意綠  
曉鶯花裏盡情啼

春郊晚行

邨煙淡淡日沉西  
岸柳陰陰水拍隄  
江上晚風吹樹急  
落紅滿地鷓鴣啼

王柏

柏字會之金華人大父師愈學于楊時後從朱  
子及張栻呂祖謙遊朱子謂其有本有文德望

隱然父瀚與其叔季及朱呂之門克世其學柏  
少稟高明慕諸葛亮之爲人自號長嘯與其友  
汪開之著論語通旨至居處恭執事敬惕然而  
歎更號魯齋問學于楊興立楊爲語何基從黃  
幹得考亭之傳卽往從之作魯齋箴勉以質實  
堅苦之學蔡抗楊棟相繼守發趙景虎守台聘  
爲上蔡麗澤兩書院山長卒後楊文仲請諡文

憲德祐元年贈承事郎有集

葉成父魯齋先生壻志所著有文集七十五卷譜易

記讀書記讀詩記各十卷讀春秋記八卷論語衍義七卷太極衍義一卷伊維精義一卷研幾圖一卷魯經章句三十卷論語通旨二十卷孟子通旨七卷書附傳四十卷左氏正傳十卷讀國語四十卷閩學之書四卷文章讀古三十五卷文章復古七十卷濂洛文統二百

宋

金華詩錄 卷八

三

卷擬道學志二十卷朱子指要十卷詩可言二十卷天文考一卷地理考二卷墨耶類考十六卷大爾雅五卷六義字原一卷正始之音七卷帝王歷數二卷江左淵源五卷伊維指南八卷雜志二卷周子二卷發遣三昧二十五卷文章指南十卷朝華集十卷紫陽詩類五卷家乘五十卷北山魯齋皆以續考亭之傳爲身任者也北山深潛沖澹精體默融志在尚行初子立言魯齋通才絕識足以窮聖賢之精蘊雜詞俚論足以發理象之微著稔于北山講貫之素精于有體有用之學

和葉聖子小桃源韻

二仙何如人夫豈古隱士道成遡次寥佯臥不再起鸞

鶴舞松聲蕭騷快心耳金竈清塵生餘丹不輕委我來

桃源遊直窮路所止飛蘿搖輕煙素雪噴清泚何時架

草堂深入此山裏翛然逃世慮餘魄繼遐軌

方韶卿金華游錄金華洞未至

十五里有山曰赤松今爲寶積觀旁祠二仙二仙卽皇初平兄弟入小桃源路  
口有小桃源物外洗耳三石刻皆餘杭虞叟八分書未過橋爲物外亭過橋有

亭泉上有臺名滄浪溪石皆磊砢水激射爲峭峽爲盤渦行至巖扉間新構小亭  
名別有天地從觀前登山觀丹壺及丹石相傳某年丹光見石上有道人養雞  
見雞啄丹取之丹卽飛去丹山左稍下有丹井泉極甘冷一徑出小桃源  
之上抵二仙祠宿寶積觀中西巖石刻赤松山三大字李陽冰篆偉甚

### 送希夷往江西

小雨歛輕塵秋聲滿亭驛車驅過南浦別懷徒爨積世  
道斯凌夷爲善不自力一朝魯兩生爲人作行色誰知  
離索悲有甚萬鍾失

### 和寬居見懷

北望戲馬臺荆榛滿中路英氣一何多懷古渺難湖山  
河腥日月虎豹沐雨露纍楚猴冠異哉天所賦豈無  
濟川才淹留秋日暮清風從何來灑灑定吾故贈我金

宋

金華詩錄卷八

四

琅玕鑿落雙魚素

### 題定武蘭亭副本

玉華末命昭陵土蘭亭神蹟蘊千古幸更榻本入堅珉  
契丹歸裝投定武薛家翻刻愚貴遊舊日宣和龔御府  
邊塵橫空飛渡河中原荆棘穴豺虎淮陽蒼茫駕南轅  
百年文物不堪補紛紛好事競新模傾歛醜俗亡遺矩  
如今薛本亦罕見仿佛典刑猶媿嫵清歡盛會何足傳  
右軍法帖以千數託言此筆不可再慨然陳迹與懷語

今昔相視無已時手掩陳編對秋雨

宋景濂云世之論定武蘭亭說題不同有謂唐太宗

詔歐陽詢搨本刻石禁中至晉時契丹輩至殺翰林棄而北歸宋慶歷中韓忠獻公擇李氏者獲之至宋景文師定武始從李氏子購藏庫中熙寧中薛師正出守

甚珍惜之別刻以惠求者師正之子紹彭又勒于他石潛易元刻以歸長安是定武有三刻有謂太宗既葬瀛羅臺而刻石亦殉昭陵既發耕氓負石爲攜帛用定武一士人以百金市之歸謂之古定本王君貺知長安移文索入公庫又謂之古長安本旣而公庫火石焚馮當世再入石是定武則有二刻

往拜船山先生至大安中途迷道自警

未識大安道行行多路岐人言訛近遠山路倍欽臆自有康莊處多因便捷移從今知墩子萬里不須疑

舟中和聖予二首

桐江波漸滑霽色午方開香火分蘭若煙霞老釣臺崖高微徑險水轉萬山回欲訪先生齋相從買一杯江濶風帆急潮回沙露痕寒林無剩葉茆舍各成邨雁落煙波渺鴉歸野色昏未知孤客懼今夜泊誰門

宋

金華詩錄

卷八

五

野興

文字飢難煮爲農策最良興來鋤曉月勸後臥斜陽秋稼連千頃春花醉幾塲任他名利客車馬逐康莊

催雨

人世如居甑驕陽不可鉏未聞芻作狗安得夢維魚賦歛民生稿于戈國計虛安危關一飽雨意莫躊躇

八詠樓

樓壓重城萬井低星從天闕下分輝傷心風月詩應瘦滿眼桑麻春又肥山到東南皆屹立水流西北竟何歸倚闌莫問齊梁事斷石淒涼臥落暉

宋景濂八詠樓詩紀序八詠樓在婺城上西南隅昉

于武康沈休文齊隆昌初休文以吏部郎出守是邦民清訟簡號稱無事既創樓名之曰元暢復爲詩八詠以爲其山川景物之情宋至道中馮佐來知州事以爲未明之體實本于休文而祖于徐庾心尤篤好之勸其辭于石窠之樓下且更元暢爲八詠以傳示于無窮

### 漁舟晚笛

落日下平野江邊漁事收小舟橫斷岸長笛一聲秋

### 題畫

江柳依密樹目遠送征鴻不盡暮天碧斷續蘆花風

巨石聳鼇背飛泉漱雪濤一聲何處笛呼雨到江臯

### 碁盤山頂見雨雲得一絕

每日城中喜看山卻來絕頂望塵寰白雲何處爲霖雨

尚在山尖翁鬱間疊齋長嘯山游記碁盤山頂有徐公湖水旱之禱無遠無近神岫相盼巖巖鐘磬豈無意而然耶維坐盤磯上

### 宋 金華詩錄 卷八

有蒸雲一穗逢澄江隆阜之表指謂同行曰此雨雲也偶得一絕

### 題愚齋畫梅

悄然筆下有心期寫出寒梢玉立時何事巧藏煙雨裏

孤標淡不願人知

### 王侁

### 侁字剛仲柏從子

葉成父魯齋先生曠志從子侁力學有雅趣知所尊事通財遜畔進與比居一門自爲師友共學交遊益甚樂也先十年卒先生哭之慟

### 夜對梅花示彥恭姪

羈旅不自怡坐閱芳歲晚江湖有莫逆梅花還到眼平生相慰藉風期無近遠今日共短檠與子興不淺

羈旅不自怡坐閱芳歲晚江湖有莫逆梅花還到眼平生相慰藉風期無近遠今日共短檠與子興不淺

金履祥

履祥字吉父蘭谿人其先本劉氏避吳越錢武肅王嫌名更金氏幼敏睿比長知向濂雒之學事王柏從登何基之門造詣益邃當宋末絕意進取會襄樊之師日急宋人坐視不敢救因進牽制擣虛之策請以重兵由海道直趨燕薊則襄樊之圍自解終莫能用德祐初起為史館編校辭弗就屏居金華山中元祖既下江南築室仁山下講道著書以淑後進學者稱仁山先生

成宗大德中卒諡文安有集

仁山思舊學為宋亡作也詞曰南方之將大地之泮

宋

金華詩錄

卷八

七

波湯湯兮翠華重省方獨立回天無光此志未就死矣死南荒不作田橫橫來者王不學幼安歸死其鄉欲作孔明無地空翔翔惟餘童子仁賢之意頭蒼茫穹壤無窮此恨長于秋萬世聞者徒悲傷 柳道傳仁山先生行狀先生將達散翁後夢家塾壁間畫虎甚文已而真虎復升屋大吼覺而自語維能繼龍男子之祥吾殆得男也耶而先生生遂以祥名稍長更名開祥後從師友謂開祥非學者名歸而亭子其親定名履祥 徐袍宋徵士仁山金先生言行錄序先生在宋嘗以史職名不用殞于元故傳在元史後人遂因為元人鄉祠本主皆從元余為諸生時質于余師章素菴同請于學易其主題之仿朱子靖節書例稱徵士冠以宋蓋從先生志云 又金仁山先生年譜序成公世學以關洛為宗而文定親炙勉齋得考亭之奧授之文憲仁山先生兼二氏而充拓衍澤以開白雲之傳一時里閭學士彬彬發以此稱小鄒魯 章贊仁山先生傳略用邵氏皇極經世歷胡氏皇王大紀之斷墳益折衷一以尚書為主下及詩禮春秋旁采舊史諸子表年繫事斷自唐堯以下接通鑑之前為書二十卷曰通鑑前編他如大學章句疏義一卷論孟集註考註十七卷尚書表註四卷門人許謙益加校定皆傳于學者

登三峯山

有片

景定甲子九月九日舍弟麟至何公權第弟

繼來定登高之約東行再約南仲元質二賢  
族子同登三峯初至山下策杖于木石藤蔓  
之間尋徑甚微出其上始夷坦可得循隴而  
登則巉巖壁立氣象雄偉因捫蘿而上摩挲  
舊題上重巖石曰在焉再上懸崖之間忽東  
峯有山行者三人遙相呼應指示洞處舊聞  
山下人言天將雨則是洞必先有雲氣越危  
石又數重始至巔聞其上有古瓦不知其初  
何以有此何公謹由中峯陰崖而下呼之久  
而後應諸兄有息于山腰者上下相望恍如

宋

金華詩錄 卷八

八

登仙四顧浩然若有得也歸來因紀其事

九月天氣清高聽掃虛碧山色日嶙峋山意亦寥聞有  
來二三友助我蠟雙屐問道始委蛇陟巘轉深密翠確  
礙微徑藤蔓絆行色岡阜出陂陁重險更嶒嶸絕壁詫  
天造石笋疑人立上上復攀援巍巍亦恂慄磨蘚追舊  
題捫蘿看新蹠佝僂度嶂巖盤薄踞危石誰鑿丹臼澗  
碧瓦孰塼埴云胡半空中有此千載迹中峯涵劒氣幽  
洞飛靈液霏霏人間雨往往此中出陰崖采芝人東岡  
並遊客虛谷遠應聲重崦近城隔而我獨油然而振衣表  
千尺川原一以眺蒼莽浩無息長風拂几袂太虛可噓

吸乃知艱險餘始有高明極益知身轉高冥然氣超越  
登天信有基昇仙豈無術何當躡飛煙高峯振長翮倒  
景凌三光達觀天地窄

龍井

有序

巖入合山巖陵北高峯之上臨崖有井其實因崖下有  
泉壘石而止之甃以爲井耳今山僧謂其開  
山祖師善導和尙講經致龍抉石爲井蓋附  
會以神其法也

高峯餘洞氣石竇通靈液發源已太孤臨崖千萬尺井  
甃回飛湍修綆收澄碧一飲清風生膚寸寒雲出山僧

宋

金華詩錄

卷八

九

語似奇老龍事無迹我來翠微巔得此寒泉食東望子  
陵臺連峯對箇簾下有十九泉與此相仲伯因我招隱  
詩凭高三太息

送金簿解官歸天台五首

崑崙派南條東走欲無極海氣薄回巒清淑轉鬱積巍  
巍天台山東表千萬尺其上有仙靈其下有英特伊人  
天一方欲往恨未卽渺渺隔蒼山歧予三太息

昔歲在東壁紫氣踰蒼山金君初筮趙侯亦開藩下  
有蓮幕友上有師帥賢渾然和氣中砥柱屹流湍使我  
千里民賦政兩清安益知天台高楚波浩無邊一朝別

流泳先後俱東轅邦民一何孤天意一何慳舟流安底  
止郡政將改絃嗟我千里民生意復茫然  
自從夫君來歛氣躔須女遊刃肯繁間淬鋒滄浪浦直  
氣浩難容才名世所妬枳棘豈棲鸞百里非賢路善刀  
謹自藏大烹鼎可負

自從夫君來二惠亦驂乘天台本多賢君門獨何盛大  
兒十四齡神氣極凝瑩温然荆山璆可續虞磬韻小兒  
年十一磊朗益自俊壯氣已食牛風蹄期奮迅兩載辱  
交從一朝隨歸鞚相見復何時相別涕其隕美質不可  
恃學問無窮盡少小日易逾德業須自竟執手獨傍徨  
愧無珠玉贈歸哉各努力教忠家有訓

宋

金華詩錄卷八

十

白雲蒼山東歸驂邁長道采采斑斕衣怡怡華萼耀俯  
仰浩無忤歸來豈不好正疑稅駕初已有征車召努力  
崇明德勲庸良自保我亦志四方匪伊瞻旗纛

和王希夷廬陵觀梅有序

希夷西遊廬陵觀梅郡圃與山中友朋之感  
如履祥者山中之一人讀之慨然因次韻

歲寒堂前桂樹秋風浩蕩君西遊羨君充此四方志  
望塵何異登瀛洲人生難得心相識况君與我心相得  
君心誰似惟梅花雪霜不改馨香德顧我思君日幾巡

歲寒又見梅花春見梅不見故人面空詠梅花如故人  
月明千里雖同致疇昔追隨今少異始信燈窻朝暮同  
此會人生良非易噫吁嚱安得彼此長似歲寒枝清芬  
處處同襟期

咸淳乙丑之春買舟東下過富陽東嚴光之祠

在焉因書其壁

西望先生舊釣臺無窮山色鎖崔嵬歸故國畊春雨

遂起頽風生暮雷萬事盡隨江水去千年寧幾客星來

北山今有何夫子不入經筵亦草萊

仁山又題釣臺詩序云是歲之夏復如京師艤舟江

干祇謁祠下登兩崖之巔因念往來北山魯齋二先生之門講明嚴夫子之心事魯齋嘗曰懷仁輔義之言深得聖賢之方而世之知先生者殊淺也詩有云誰云

宋

金華詩錄 卷八

十一

孟氏死吾道久無傳我讀子陵書仁義獨兩言仁爲本心德義乃制事權懷輔存體用治亂生死關乃知嚴先生優到聖賢邊所以推崇半裘翁者甚至因節其語附見于此

九日書懷

欲買山園種菊花此心荏苒負年華幾時三徑存歸計  
今日重陽轉憶家落帽已驚微雪早登樓爲望白雲斜  
詩成卷起悲秋意天濶風高未有涯

題功夫所藏畫卷

有序

景定辛酉莫春早雨桐陽叔子觀于藏清無

咎之西窻而敬書之

仁山祖籍三衢桐山峽口徙蘭谿桐山下自號桐陽叔子

細雨書窻展畫筒江山杳靄幾重重簷花飛動衣裳冷

疑在雲間第一峯

徐山甫夜話有詩言別次韻

一榻蕭然竹與藟

原注牀屏所畫

擁衾話別轉畱難明朝又渡湘

江去細雨斜風分外寒

洞山十詠

有序

金華爲東南佳山而洞山最奇勝清賞之士  
固嘗憇椒庭航雙龍探冰壺窺朝真而此山  
之勝所遺尙多也思誠子張君少遊金華攬  
奇選勝晚好逾極丁丑戊寅之間避地是山  
有桃源之心焉朝夕遊處其中始盡其美嘗

宋

金華詩錄

卷八

十一

謂洞山之勝有十暇日邀余觀之大抵金華  
一山其最高處岡巒繚繞四高而中下有似  
仰盆故舊名金盆諸峯平挹競爽而直南一  
岫尤爲最高又衆岡皆土此獨帶石其絕頂  
上平又數大石浮著其上如自天而下也思  
誠子名之曰高石巖自高石巖而下兩山夾  
澗以趨其東支卽爲洞山南高處朝真洞中  
冰壺洞下雙龍洞三洞瑰奇不在論迹洞前  
椒庭清賞之士多謂築堤止水卽與靈隱飛  
來峯冷泉亭無異思誠子以爲信高石巖旣

爲中正之峯則其下兩支之間澗水當爲金  
華中澗中澗發源巖下數百丈初始沮洳隱  
見竹石間涓涓漸成流合諸源泉始大忽石  
巖壘壘水中下懸數丈飛湍濺沫瀾瀾震厲  
名之曰小龍門又下行石間或平或寫約凡  
五節殊可觀名之曰五壘泉自此澗旁無路  
山路橫出通朝真之前自橫路中下又得中  
澗之濱石巖崎嶇可庇十人石際有古梅老  
榦疎枝澗水濺濺繞其旁名之曰老梅巖自  
老梅巖南出其西支橫出一峯突臨中澗之

宋

金華詩錄

卷八

三

上山西小澗合流其南則此山爲中澗之中  
峯無疑也故名曰中峯思誠子將結精舍焉  
而未逮也思誠子于朱門爲嫡孫行端平淳  
祐文獻靈光值亂處約布衣蔬食薪水或不  
繼人不堪其憂處之裕如至或靳之不以爲  
浼于時不屑冰雪孤松端操凜凜其于此山  
表微擇勝諸所品題終爲山中故事不鄙謂  
子各課一絕自維鈍拙未必能爲此山輕重  
而思誠子之命不容辭也勉綴左方思誠子  
其幸教之

思誠子姓張名潤之字伯誠蘭谿人少遊何北山  
之門北山之葬也伯誠爲定士禮不用品官之儀

以成其志當時北山門人魯齋之外首推思誠子北山輯近思錄  
未就而卒仁山繼成之皆實于思誠子然後裁定許白雲云思誠  
子之德篤誠清介  
向學專力于經

山到金盆共繞回勢高羣岫獨崔嵬那堪絕頂又拳石  
真似飛從天上來高石巖

洞府高深對月開長疑底裏闕龍雷天窻不照人間世

限盡遊人自此回朝真洞

洞外煙雲膚寸合洞中冰雪百尋飛壺中日月憑誰記

水自飛淙雲自歸冰壺洞

天饒鬼鑿匪人間涌雪轟雷震地寒石上雙龍蓋形似

更深須有老龍蟠雙龍洞

宋 金華詩錄 卷八

西

洞泉噴薄雨鳴雷竹石參差風繞楹好障波流浸山影

飛來靈隱一般清楹庭

雲液風來自石峯金華泉壑此爲中須知流出此山外

更會羣流共向東中洞

兩崖疊疊水中分瀑布飛流漱石根伊闕西河天一綫

山間號此小龍門小龍門

時行時止人高下或見或聞雲有無五疊何妨轉奇絕

終然委折必東趨五疊泉

片石崎嶇斜插澗橫枝愁絕淨無塵從誰石上栽冰玉

寒谷年年遞早春老梅巖

高巖南下走羣龍  
兩小源頭合一峯  
問道是中人不識  
先生信善擇中庸

中峯

金華詩錄卷八

宋

金華詩錄卷八

卷八

五



金華詩錄卷八  
中峯  
一  
去  
學  
辨  
兩  
小  
源  
頭  
合  
一  
峯  
道  
是  
中  
人  
不  
識

金華詩錄卷九

宋七

方鳳

鳳字韶卿亦曰韶父一字景山

宋景濂浦陽人物記作一名景山按樓碧樓記

題景山方鳳則景山當是別字

浦江人唐元英處士方千後鳳負異

才遊杭都盡交海內知名士將作監丞方洪奇

其文以族子任試國子監舉上禮部不中第主

閣門舍人王斌家教其二子大登小登斌與丞

相陳宐中為親舅弟鳳因得見宐中三以策告

宐中雖不能聽將奏補為初品官既而宐中之

宋

金華詩錄卷九

一

海南不果上復以特恩授容州文學宋亡遂肆

為汗漫遊嘗由京口泝江至建業又東南出拓

蒼行尋雁宕大龍湫挾摘景物訪遺弔古以抒

其危苦悲愴之志與閩人謝翱括蒼人吳思齊

為友同主吳渭家為題其唱和諸作曰風雨集

以識其志所著詩有三千餘篇曰存雅堂藁

柳道

傳方先生莫褐浦陽江之始源在婺州浦江縣有山直其東北曰仙華

山山之南里大姓方氏居之先生本陳氏子在襁褓先府君命為後曰是能辯吾業者何必吾宗于書無不通究毛氏詩其最邃者也始蓋用

為文以應有司後乃求其興觀羣怨之旨而一發于詠歌體裁純密聲節嫻婉不緣琢鏤而神融氣浩成一家言黃晉卿方先生詩集序緣

情托物發為聲歌凡日用動息居遊合散耳目之所屬靡不有以寓其意而物理之盈虛人事之通塞至于得失廢興之迹皆可槩見故其語多危苦激切不暇如他人藻飾襍而以為工研君道傳游先生門最早

既銘其墓且探其家藏摘五七言古律詩三百八十篇釐爲九卷以晉  
嘗及先生之門俾爲之序 宋景濂云與謝翱吳思齊爲友皆工詩皆  
容浦陽浦陽之詩爲之一變 王子充云浦陽言詩者二家仙華方公  
烏蜀柳公方公之詩幽雅而圓潔柳公之詩宏麗而典則皆取法盛唐  
各成一家言 琴書風雖至老語及勝國事  
必凄然泣下詩亦危苦悲傷若不能自勝者

### 遊仙華山

仙華蠹萬仞我乃廬其東日夕與山對今來踏玲瓏起  
左信奔鹿當前任啼狻大嘯崖石裂一覽天宇空蒼松  
飽風雨絕壁挂老龍樵斧不得睨撫根憇吾躬邈哉軒  
轅氏問道由崆峒龍髯一以遠千載悲遺弓猶傳少女  
靈鍊石于焉宮我來重懷古攬涕臨西風何當刺飛流

一洗磊胸

黃晉卿化城院記仙華山在潯江縣北高一百五十五丈周二十  
里列岫如屏障爲風穴古仙人上昇處有字在其下先生游錄

宋

### 金華詩錄 卷九

二

稱自巖腹望峯頂丹光閃閃如寶蓮花稍進至仙境前聳峭離立東一峯拏立數  
百丈俯視如池又東一峯如削循其鐮而上踰石橋如戶限北下如井折而東至  
第五峯背有石屋可坐數十人又東爲中峯下晚鳥傷東白原隰聚落如幕布其  
北諸山與新定接又一峯在東極峻而第二峯懸崖有穴深黑風薄兩崖上草木  
皆動 鄭東白遊記仙華山一名仙姑山一名  
少女峯東陽志云軒轅少女于此上昇故名

### 遊寶掌山寺

茲辰欲有適軒車偶來駿斲苔北邨南荒竹暗窳陰接  
語未及久相邀詣叢林澗行任詰曲巖眺經欽釜于時  
春草暄生意見草心紅紫寂未動萬山蒼翠深伊余夙  
好遊忽忽老見侵孤興尙衡霍遐思或巫黔况此近居  
里而能盍朋簪裂石發悲嘯沿流引清斟捫蘿復忘疲  
古洞窮幽尋豈無聲利痼見笑山水淫人生本來浮世

故未易任薜崖拂前題俛仰已昔今我法姑用我聽言

屬同襟

鄭東白遊記寶掌山卽寶掌大禪師處山前雙峯列峙凜然若健士守關狀洞旁奇石植立若獸若鍾鼎若刀戟鐘鼓絕可愛玩復百步有巖最高巖巔有巨石玲瓏遙望如欲飛舞俗傳師晏坐時忽雷霆交作迨霽而石涌出因號飛來峯峯下有泉極甘冽又折而上有石離立葛藤中曰五通遊巖峯志云師誦般若五通來聽故名 金華府志寶掌禪師自西域來曰吾欲住世千歲今九百八十三歲矣時號千歲和尚唐貞觀中至浦山下遇一老人曰此山峯巒奇聳中有石窟如方丈號浦巖宐有道居之師誦行盡支那四百州此中偏稱道人遊之句遂結茅爲菴名巖曰寶掌晏坐凡十七年謝世

寄柳

黃潛

二生

大火且西遊赫曦詎能爲叢竹覆孤館綠陰相蔽虧人散衆喧寂獨鳥嚶鳴隨想見探討餘層層發新知儻不鄙朽拙勉哉近相遺

太樸散已久鴻甄疑未均惟有砥礪志搜剝得其純勿

宋

金華詩錄

卷九

三

以珪璋質頑石寘勿陳君攬國香蕊每與荆棘鄰荆棘豈不刺反以揚素塵

盈盈黃菊叢栽培費時日依依五色瓜引蔓牆籬出于今發新花于今見秋實花實豈不時灌溉尙期密母令根芟傷委棄等藜蒺

新秋涼氣發松籟調于喁山房良靜聞文史淡足娛吾心太虛廓儻然萬象俱大觀物物齊何事分賢愚遐哉

金蘭契聊用布區區

按黃柳俱詒卿門人吳淵穎又詒卿孫女婿景灑淵穎先生碑云巖南異之許以孫女妻焉且授易

書詩三經義暨秦漢而下詩古文大家巖南先生者詒卿也王子充浦陽戴先生詩序云柳公學于方公而叔能師事柳公最久淵源之懿信不可誣然則浦陽文學皆詒卿一人間之矣

懷龔山人聖子

西北有桀閣峒窈切雲天綺窗通四望綽約流蘇懸中  
有絕代人端居方盛年被服既殊衆容采亦鮮妍瑤牀  
置寶瑟玉軫朱絲絃有時揚妙指泠泠宮商傳曲終恣  
仰頰託契軒農先靡曼諧里耳大雅誰能憐我欲往從  
之淮海生寒煙

影如山

藥壺山寺步師遠上人韻

柳道傳方先生墓碣自陵陽奉公獻之新安方公萬里而

旭日耀禪林瞳矐晃虛室觀心得無爲頗覺詩思逸得

宋

金華詩錄 卷九

四

句須疾書振衣陟焉失持此證空空一笑墮不律

謝翺暈羽游石

洞夜坐記藥壺山其初總謂之仙巖余取其狀類藥壺且奇崛特甚故別名之山之僧曰師遠者嘗游方之外喜夜坐

寄仇仁近

憶昔三浙潛匆遽買舟訣大海漲波濤排空銀浪挈時  
方逢杪秋涼風正淒絕况復嬰沉疴殘喘一身子落日  
古渡橫牽衣各嗚咽尙期歸掉轉旋汎山陰雪詎料人  
事遷芳春竟五閱寧無雙鯉魚寒暄敘曲折顧茲悲憤  
衷未足陳一切階前金鳳花當車行復輟閣上西湖光

可似舊澄澈

詔卿仇仁父詩序山即仇君才識甚高處紛華聲利之場而冷澹生活之嗜混混益益中見此古壘沈令人心醉及披其帙標

格如其人蓋得乾坤清氣之全者也仇君曰近體吾主于唐古體吾主于選往往于融暢圖美中勿而凄楚縝結有離騷三致意之餘韻

重陽對菊得菊字

止所吳翁歸窆客會葬者雨留明日重陽對  
菊命觴取菊爲重陽冒雨開析爲韻不拘體

各賦以致慨

懷哉止所翁與我幾觴菊方當舊節來已作秋原哭會  
葬有遠朋風雨此淹宿佳兒敬父執姻友更敦睦投轄  
不愧遵設醴仍爲穆其如插萸徧不見而翁獨悲歡今

昨筵還往東西轂回首試長望依依但雲本

凌執善吳止所墓銘止所名幼

敏字功父宋亞榜進士父渭構居未竟疾卒幼敏痛之遂衰經成室扶父極厝焉已教授温州歸頰其居曰止所名士大夫鄉先生多處其家既卒交遊會葬數十百人率名流相與徘徊不忍去

宋

金華詩錄 卷九

五

題鄭氏義門

人愛渭水清畢竟河流渾不知黃虞世何處覓旌門旌  
門縱百世豈能外曩倫祇因風氣漓遂表爲義民麟溪  
有寒泉西流類拖紳泉聲偏塞耳亂卻牝雞晨夜帳潑  
煙黑秋缸吐火紅六世孝友家元屬書聲中爛銀鋪作  
勝棹楔何崔崔戶神似相語莫遣阿奴來人心一遭蠱  
五官皆作魔不賡斯干詩卻聽然其歌兄弟本一氣爲  
利分爾汝借問嗜利人千載得不死鴟鴞巢滿林何地  
不感惻若非慈烏啼血淚收不得我身親乃有況此身  
外物世人果何思肝膽每相賊當年朱兩轡回首血在

願爭如義門鬼千載不餒而何人非楊椿如椿能幾人  
祇緣本心死所以有緇磷大樹大十圍枝葉日敷蕃願

培百尺土庇此千歲根

柳道傳義門記吾里鄭氏以義門被旌表自其遠祖准始與其二兄上吾縣之承恩里居焉其

後三家浸盛名其地三鄭示有先也准之孫綉以來五世曰德池德珪德璋奎之儉勤以大其基六世曰文嗣大和文泰文厚文轟重之積居以恢宏其緒及八世不裂籍以爲異不植己以自私凡聚廬以處同爨甕以食者支屬口餘百董手指千薰然義風不戒而趨里者列其事于縣縣上之天府達于中書下之儀曹賜旌表大書其門曰旌表孝義鄭氏之門 宋景濂浦陽人物記凡同居六世唐二百年至元二年冬太常博士稱貫與鄉校羣士又上狀請如故事復其家從之德璋子太和同家事嚴而有恩每遇歲時坐堂上羣從子盛衣冠雁行立左序下以次進拜跪奉觴上壽畢自右趨出足武相銜無敢參差見者謂有三代遺風名聞天下自大丞相及臺院名公卿多賦詩美其行部使者武威余闕行縣以其孝友七郡莫之先復書東浙第一家以褒寵之有家範二卷傳于世

### 三洞

金華北山三洞天垂髻欲往今華顛春風吹衣雨洗屐

宋

金華詩錄 卷九

六

瘦筇忽拄蒼山煙山高地平走幽澗根絡石上生楠榎  
步從飛橋瞰石洞厓色閎世知幾年風痕霧迹化異物  
龍首昂左尾右旋就中暗穴如墓頤急水寫碧鳴娟絃  
遡流束炬照徒涉肩背擦石行拳攀水窮路夷內景得  
以炬交燭窮幽元細紋蹙波涌浪接皓彩凝雪飛霜鮮  
大爲獅子虎犀象瑣碎亦復蜂屯然蜿蜒雙蟠角尾具  
一一玉爪擎蒼壁守龜負甲色淡黑長蛇白質相縈纏  
鐘能鐘聲鼓能鼓不假樅簾知誰懸直櫺斜檻藏漏室  
短畦長町移原田青雲白霓五色霞笑畫敗絮畱丹鉛  
中途經過最溪杳伏身低眺洞口泉空明一線隔遠見

秋蟾浴海光嬋娟左巖架衣頗橫亘疊摺蹙皺垂踞躑  
自餘神怪不可極似鑿非鑿鑄非鑄出登山腰叩中洞  
外視石井聞潺潺入溪踏險思絕縋長竿揭炬後且先  
水簾可俯心爲悼到此十九歸言遄嗜奇不憚歷磊砢  
足以目故差輕便翻身卻望水簾處銀河天落懸吾前  
常情疑復下百尺積水定作神龍淵石乾徑闢卻易進  
玉筍拔地修而圓宐爲淵處乃爲屋亦或摩蘚題新篇  
同遊怪我久未出笑謂豈欲井底眠林幽風起日已晚  
猶覘高洞山之巔薪蒸可買樵我導不遠數里仍攀緣  
傍從石壁入溪坵如鐵戶限瓊爲櫺儼然海相挂珠絡

宋

金華詩錄

卷九

七

熟視始信非誇傳左爲朝真正面入便想笙鶴遨羣仙  
雲霞波濤仙衣裳奇詭豈必下洞專歛然修梁架巖起  
左右蒼白龍形全望中極底勝漆黑雙扉隱隱起半邊  
天光一道燭扉內知此明罅從何穿窞淡壁峭不可往  
安得插羽如飛鳶嗟余茲遊尙牽俗身所驟歷辭難宣  
但思乞水學坡老洗眼看字銷餘年

詔卿金華游錄三洞上爲朝真中爲冰壺下爲雙龍

三石扁皆飛帛書立下洞口金華觀有天下名山四大字觀左爲椒庭所從入洞路也雙龍洞口石室明淨坐可二三百人仰觀石室紺碧其隱約可名狀者爲雲物爲仙桃爲道人比肩而立龍首見其左而尾懸石石壁上又懸石至地獨黃色俗呼呂先生藏身震衣挂其旁有北斗星窠洞穴如墓頤水淙淙從中出梁束炬揭裳僂僂踏水入內洞凡三數丈首背皆擦石舊畧小舟而入今敝漏閣水際既入復虛曠如外洞水從右流莫測淺深執炬者一相指告見峰窠石水蛙石石鐘手槌之鐘聲仙珠鬘壘貫巖上石門限雪山山前雪山後雪峯之皎然仙笠懸巖石石鼓槌之鼓聲有形蛇蠅頭角鬚尾凡三屈蟠隱見爪尖皆白所謂雙龍也

猶一獅子一額有珠大龜黑色白蛇繞其背首入甲下奇甚筆格一霜崖燦如繁霜有卷石小竅指面大有水正滴竅中名仙人硯滴浴室石榻三足蟾懸鐘寶蓋如講臺上所設加高大海角虎蹲立雲霞五色欲飛極裏從暗處俯伏遠望洞口水中所從入處僅一小隙透明如十五夜月名仙人望月又大象足二小一仙桂水波石鄰鄰然轉雪山後左爲滑臺爲池爲田仙人挂衣橫十數丈衣純素袿衷感摺皆天成又仙人眼石方整可臥從洞口踏水而出凡洞中所見不假一毫鑿鑿而形狀自然其妙處殆不可言也登山幾半里至中洞洞口視深處乃暗穴但聞潺潺水聲束數炬相後先若入井然稍斜向內魚貫而下石滑且險約三十丈至水簾自高巖噴出下有巨石盛之卽不知所往出處有懸石如鐘又如飛鳳簾以下復沉沉人不敢復入阜羽翮然揚炬而前詔卿續古從之由水簾右轉巨石無數回視水簾乃在目前下復無水有石筍高三四丈瑩如玉下有石室燁燁曾遊者畱題在焉回至水簾望明而上又登山二里至上洞又爲觀音洞從巖隙越石限而入其石像天成垂衣伸一足如土偶者旁有潭名觀音井又名龍潭復出從大洞正面入歷三數坡陀其石上雲霞波浪浪霜雪屋室之類皆不減下所見洞口天日光斜視淡如月色內有石梁高狹溪可二三十丈白龍護其左蒼龍護其右又入有天池池之裏有崖如兩扉而啓其一極黑暗中遠望石屏扉處天光下燭名一綫天既隔天池不得復深入也雙龍洞口題名石上詔卿賦三洞云云

題光風霽月樓 有序

宋

金華詩錄 卷九

八

光風霽月四字晦翁書刻石建州陳正臣提  
舉浙江爲翰林收書至建得此本歸初以霽  
月自號今遂以四字名其所居之書樓

人間底處無風月知用何時最佳絕芳播崇樓淑氣浮  
影涵丹桂清輝發向來雅重無極翁灑落襟懷與此同  
去之百世猶仿佛宛見道貌匡廬中誰題品語黃太史  
大書四字紫陽子今從建水得此本如拾蠙珠卷文綺  
攜歸八詠雙溪州晏然直與造化遊無邊妙處乃萃此  
躋矣君家百尺樓

鴻門讌同臯羽作

項王重瞳氣蓋世叱咤暗啞萬夫廢交割河山杯酒中  
弱肉耽耽恣虎視帳前爪士吞鯨鼉神鋒技擊光蕩摩  
中有一人亦拔劍是楚是漢來婆娑須臾壯夫擁盾入  
怒目而語皆盡裂項王噍嫗無一言楚國孤臣淚流血  
玉玦何勞再三舉拂衣竟作彭城死沐猴而冠何足云  
君看五采成龍文

上元陳丞相宅觀燈有作

渴龍入夜吼百川迸地無數鮫珠圓星斗撼天半欲落  
五花琪樹皆生煙煙燈豈不勝花朵踏歌何人增坎珂  
風塵淮北馳羽書金鼓江城賽燈火君不見狄青宣撫  
宋

金華詩錄

卷九

九

荆湖間上元張樂晏清班忽然稱疾燈未滅五更已奪  
崑崙關

哭陸丞相秀夫

祚微方擁幼勢極尙扶顛鼇背舟中國龍胡水底天鞏  
存周已晚蜀盡漢無年獨有丹心皎長依海日圓

結聯發  
書作獨

有孤臣淚長  
隨海雨懸

鹿田聽雨

禪棲投倦客山雨起更闌窻葉散幽響石林生峭寒洞  
深猶暗瀑江遠忽飛湍想像雲蘿外應宜曉色看

謝舉羽  
鹿田聽

雨記寫風雨聲極情盡致結曰將必有與吾不異而淡知此聲者今讀韶卿詩  
窻葉散幽響石林生峭寒十字能于句外傳聲乎此知謝方二公真神交也

同胡汲仲兄弟登香遠樓

策杖探幽勝同登况二難江山雙極目宇宙一凭闌春

色啼鶯破孤城擁浪寒遙遙煙靄裏猶作故宮看

汲仲字長孺

康人南中八士之一與從兄之綱之純皆以文章名

次陳浦泉教授渡江韻

笑拂湖亭柳春歸客亦歸塢雲連岫暗颿雨截江飛老  
覺游非壯癯因遯卻肥有詩充古錦尙不愧林扉

宿保安寺

捫蘿山逕迴流水石橋分一雨過秋寺千峯生暮雲望  
窮迷野色沙遠見鷗羣煙靄蒼茫外寥寥清磬聞

宋

金華詩錄

卷九

十

憶同張子長遊北山諸名勝

昔與張公子翩翩訪赤松重來逾兩紀獨去宿孤峯古  
木蒼陂映禪房側徑通夕陰千嶂黑人靜一燈紅辛及  
軒車會寧辭杖屨從相看如夢寐健步媿兒童春盡山  
仍好林溪澗忽窺天低時望雨寺遠偶聞鐘弔古田無  
鹿探奇洞有龍幽尋穿窳窳高步踏玲瓏靈草多成藥  
疎篁不作叢風光疑晻曖野色在空濛下瞰疑無底言  
旋復向東巖阿依斷礎煙嶂落飛淙細路緣苔磴危橋  
跨石磴泉依山曲曲雲與樹重重巨剎標名嶽穹垣護  
畝宮倚闌斜日下入室老僧逢零落螭頭墨荒涼馬鬣

封不才持薄祿終古愧高風  
弛擔雲關裏傳觴雪峽中  
追隨尋道侶述作付文雄  
急景真流電浮生尙轉蓬  
後期觀歲晏來往意憧憧

北山道中

起犯春霜一徑寒  
清遊乘興約吟鞍  
眼中最恨友朋少  
塵外頻聞山水寬  
溪流落舊痕  
枯野埠樹浮空翠  
溼危巖  
巖頭幾處懸冰白  
已作羣羊化石看

寄梁隆吉

羨爾英年早息機  
羅衣脫卻換荷衣  
黃醪白釀供吟詠  
野史稗官漫是非  
舊事橫看東澗水  
新餐誰共北山薇

宋

金華詩錄

卷九

十一

金閩玉樹思君甚  
采藥春花歸未歸

三吳漫遊集唐

江上巍巍萬歲樓  
今春花鳥作邊愁  
傷心欲問南朝事  
鳳去臺空江自流  
願及行春更一年  
中流簫鼓振樓船  
不知何處吹蘆管  
城外風悲欲暮天

不堪惆悵滿離楸  
水碧沙明兩岸苔  
無限塞鴻飛不到

二陵風雨自東來

孤雲獨鶴去悠悠  
別作深宮一段愁  
萬乘旌旗何處在

白雲猶似漢時秋

華表峩峩有夜霜海天愁思正茫茫遙知漢使蕭關外  
江上龍堆望故鄉

塞上風雲接地陰萬方多難此登臨坐中有老沙場客  
霄漢長懸捧日心

江南江北望煙波南國浮雲水上多共說總戎雲鳥陣  
中原將帥憶廉頗

邊風蕭颯動江城獨上高樓故國情積裏征人三十萬  
空教弟子學長生

愁看直北是長安雲樹澗澗碧殿寒心折此時無一寸  
夢魂不到關山難

宋

金華詩錄卷九

七

洞庭西望楚江分回首姑蘇是白雲今日南湖采薇蕨  
何時重謁聖明君

吳思齊

思齊字子善麗水人祖漢有奇才永康陳亮以  
子妻之遂家永康父邃知廣德軍思齊以任子  
入官調嘉興縣丞令去攝縣事有聲遷饒州節  
制司準備差遣每朝廷有故于用事者前言可  
否不避權貴俄不願仕請監南嶽廟流寓桐廬  
宋亡主浦江吳渭家與謝翱方鳳爲友所著有  
左氏傳闕疑擬周公瑾平荊州碑司馬孚贊汝

社詩集

宋景濂浦陽人物記先墓在麗水不能數歸省歲時必遙望頃涕因自號全歸誓不失身以病父母也大德辛丑年

六十四手編聖賢順正考終之事曰侯命錄錄成賦詩別諸友遂卒濂遊浦陽仙華山問思齊舊遊處見石壁題名尚隱隱可辨故老云思齊與方謝無日不遊遊輒連日夜或酒酣氣鬱時每扶攜望天末慟哭至失聲而後返詩數程克勤編宋遺民錄凡十一人王鼎翁謝阜羽方韶卿唐王潛林景輿注大有龔聖子張毅父吳子善梁隆吉鄭所南鼎翁嘗為文生祭信國獄中梁毅父即函致信國首者聖子為文陸二公作傳汪嘗以琴謝信國獄中梁鄭皆義不仕元方吳並吾婆人與謝朝善翔西臺勵哭記實相倡和景熙王潛收故主遺骨世所共知諸人幸工文詞不但氣節之美厲樊榭宋詩紀事阜羽西臺勵哭記多瘦詞稱文山為唐宰相魯公三友人為甲乙丙明初張孟兼丁注甲為吳思齊乙為馮桂芳丙為翁衡

擬古

平原一遺老九重未知名臨危觀勁節相視膽為驚析

陔猶舉手顚天閔無成九隕期報國萬古猶光晶亦有

宋

金華詩錄 卷九

圭

布衣人烈烈死彌貞回風惜往日輝映豈獨清滔滔肉

食輩泚頽徒吞聲我聞同志士野祭激高情配享遺斯

人憂心每如醒

題鹿苑寺壁間記魯簡肅公羅漢見夢事

是法本平等無忘亦無敬如何證無生即來見參政

詩見

姚桐壽樂

郊私語

方樛

樛字壽父號肖翁鳳長子官邑學正宋濂為鳳

立傳稱樛亦精于詩無媿鳳云

重陽對菊得雨字

昨我醉騎馬失腳行踽踽主人笑掀髯把臂猶起舞茲  
辰復何辰俛仰已今古遠來置芻客共繞臨池圃折莢  
可插髮醉我不待酤淡悲聊強歡卽散輒復聚悠悠去  
年人不及今夕雨願持菊花卮一澆墳上土

按此詩吳止所  
幼敏歸寧會葬

遇雨明日重陽客留者分韻賦詩以志慨也又明日客當歸雨  
之不實又各賦詩壽父有句云移尊對寒花散策嚶秋葉亦佳

### 題吳景禧樓碧樓

白叟無人識青山是故知一從觴菊後兩見浴蘭時入  
暑重逢此追涼約更誰清風覺相變未忍數歸期

### 吳仲恭翠微樓九日落成和謝臯羽

層構初成一快登新題招客共茲辰涼風闌檻宐敲雨

宋

金華詩錄

卷九

十四

落日川原遙見人欲倚白雲醒俗夢醉餐黃菊笑吟身  
他年更足閒中趣野服茸茸稱葛巾

### 方梓

梓字實甫號育翁鳳次子官義烏學正

### 重陽明日得也字

主人有黃花畱客香滿掌日飲豈絲乎市眠慙白也依  
稀聽雨牀愁絕繫階馬此會良獨難幽懷還重寫

### 寄吳立夫

尋師負笈頻千里授業登堂此一時我比棲苴寧得已  
爾如附贅亦何爲家山在望悠悠夢舍館相逢墨墨詩

歸去尚須憐獨客爲傳消息報南枝

金華詩錄卷九

宋

金華詩錄

卷九

五

金華詩錄卷十

宋八

于石

石字介翁蘭谿人居紫巖鄉遂自號紫巖晚徙  
城中更號兩溪顏古氣剛自負甚高其學多所

通解一意于詩出入諸家豪宕激發氣骨蒼勁  
望而知為山林曠逸士也宋亡不出有詩三卷

曰紫巖稿後書石詩有一川疎雨平沙牧半樹斜陽隔鴨春欲稅  
石泉閉夢少出門風雨落花多梅邊得句清霜月松下

敲碁碎擊書五言如坡暖四時筍溪寒五月花春盡花無主風來葉自  
秋風味俱不凡 楊德周云紫巖詩如詠孤鷹云有伴月明惟顧影欲  
鳴風慘不成聲春感云鶉鴉夫婦孤柳雨杜宇君臣故國春半山亭云  
半山落日樵相語一徑寒松僧獨歸西湖云山圍花柳春風地水浸樓

宋

金華詩錄 卷十

臺夜月天五言如家貧猿執爨林靜鳥司晨林雷通樵徑山雲隔寺鐘  
雲斷遠山出郵疎落日明孤嶺崩屋雨落葉石橋霜俱堪諷詠 按紫  
巖從王宗菴業詞賦其集為門人吳師道選次金仁山作序委書稱紫  
巖同時有李坦之能詩有聲句如落日中原小悲風易水寒芙蓉水碧  
雙鳧冷首霜風高萬馬  
肥可與競爽惜不得見

鴉鵲行

世以鵲為吉人多喜其鳴世以鴉為凶鳴多人輒嗔吉  
凶一以定嗔喜此焉分相彼新羅鷄于何分愛憎羣鴉  
競喧集有耳若不聞一鵲不相容搏擊以為能不知鵲  
可喜甘與鴉為羣如善復黨惡悍驚徒不仁石顯恃權  
寵望之不容身林甫擅柄用何有乎九齡寧為望之辱  
不作石顯榮寧為九齡死不作林甫生邪正苟倒置是

非竟難陳人事無不然何獨此微禽

鄰叟言

客行歸故鄉依依一鄰叟把酒向我言重歎生不偶大  
男年二十前年方娶婦府帖點鄉兵井邑備攻守萬騎  
聲撼天戰骨今欲朽小男年十三嬌痴獨戀母所恃惟  
此兒未忍加笞毆垂白力耕耘一飯僅充口東鄰數十  
家兵火十無九西鄰破茆屋蕭然一無有悍吏猛索租  
椎剝及雞狗嗟子行四方頗亦聞此否偶述鄰里情勿  
訝言語醜老婦洗瓦盆呼兒進畦韭願子姑暫畱爲我  
進盃酒

宋

金華詩錄 卷十

二

母子別

客遊巖陵道中路哭者誰哀哀母子別云是夫棄妻百  
年結歡愛一旦生別離妾去何足憐憐此乳下兒呱呱  
未能語棄去良可悲兒啼苦戀母母聞轉悲淒欲語別  
離苦孩提爾何知徒能撫兒頂相顧空淚垂夫婦義已  
絕母子恩亦虧爾飢誰與哺爾寒誰與衣明年爾學行  
誰與相提攜人言無母憐有父尙可依爾父忍棄我棄  
汝將如遺去去兩相失相見未有期娟娟秀眉目夢寐  
或見之夜靜澗聲咽猶似聞兒啼

路旁女

路旁誰家女躊躇不能去自言妾小時家本樵川住十  
五嫁良人長年秉機杼辛勤奉舅姑足不越庭戶去年  
秋棗紅邊人健如虎移家入溪林自謂百無慮空山鳴  
劍戟失色駭相顧偷生各星散邊人適相遇妾身如風  
花飄零委塵土妾命如蜉蝣焉能保朝暮一死恨不早  
空爲年少悞去去忽相失零落在中路妾有乳下兒呶  
啞方學語四海尙干戈安知爾生死回首望天涯家山  
在何處妾今負所天顧影惟自憐自憐輕失節天下何  
獨妾

上三詩學少  
陵可稱其體

故家有喬木

宋

金華詩錄 卷十

三

故家有喬木衆鳥巢其枝紛紛各卵育自啄還自飛誰  
與恣殘忍緣木登其危毀室取爾子殺戮輕如嬉漂搖  
風雨中巢破不復支破者尙可完死者終無歸自謂翔  
後集今乃失所依胡不舍之去遠擇高林棲主人不我  
愛舍此復何之哀哀鳴向天路遠天不知吾聞重太息  
事莫大于斯弱肉強之食擾擾今何時人生且未保爾  
死誰復悲寄言民父母赤子方流離

感興二首

吳起爲魯將殺妻殊不仁樂羊伐中山食子太無情功  
名苟爲重骨肉毋乃輕以此謀富貴何如甘賤貧沛豐

三尺劒抵掌收楚秦未央玉卮壽以功驕父兄惜哉一杯酒終媿一杯羹  
羣棲平沙雁有警奴輒鳴鳴多謂奴妄哀傲墮空矰姓  
姓中林鹿以媒誘其羣相呼入網苦鹿死媒獨生骨肉  
不相信效忠况他人輕言託心腹賣友終不仁君子能  
審交四海皆弟兄

寄意

妾家有明鏡百鍊方能成寶匣玉爲臺持以奉良人自恃妾顏妍嬾拂鏡上塵妾顏未及衰妾鏡先已昏顏衰不復少鏡昏能復明爲君一磨拭炯炯光如新徒能照妾顏安能照妾心

金華詩錄

卷十

四

山中二首

我家萬山中日日采樵去捫蘿上層巔苔滑不畱履落日負樵歸雲淡失歸路誰家犬吠聲聲在雲深處  
偶因抱甕出夜汲澗底泉蕩搖水中月水定光復圓問水水不語問月月不言倚樹一長嘯萬壑松風寒

我從山中遊

我從山中遊歸來林壑瞑澗水凍不流月出四山靜柴扉不敢叩恐驚孤鶴醒徘徊踏月明倚杖看松影

晚步

徑狹不容車谿淺不容釣平蕪淡雲煙獨鳥下殘照見  
山了無言倚樹忽長嘯徘徊澹忘歸空林明遠燒

探梅分韻得香字

絕壁兩屐雲荒邨半橋霜孤往欲何之林下幽徑長寒  
梅在何許臨風幾徇徚誰家斷籬外一枝寄林塘水靜  
不搖影竹淡難護香無言獨倚樹山空月荒涼

宿棲真觀分韻得獨字

空翠冷滴衣石蘚滑吾足偶隨白雲去棲此林下屋樓  
影挂斜陽鐘聲出溪竹山僧老面壁誰與伴幽獨分我

雲半間欹枕聽飛瀑

金華府志蘭谿縣棲真觀在縣東二十里銅山鄉後唐長興間有僧建名關寺舊名雲洞宋祥符改

宋

金華詩錄

卷十

五

額明萬歷間改爲棲真寺

續金銅仙人辭漢歌

有序

魏明帝遣宮官西取長安漢武帝承露盤置  
雒陽仙人臨載乃潛然泣下俄而盤折銅人  
重遂不能致唐李長吉賦金銅仙人辭漢歌

詞未能達意因作後歌以廣之

漢皇銳意求神仙神仙之效何茫然蓬萊弱水不可到  
且立宮中承露盤飢餐玉屑不堪飽誰謂有方能卻老  
人生修短數在天多欲未必能延年秋風吹老茂陵樹  
年年空滴金莖露建章宮闕隨煙塵塊然屹立惟銅人

宮官西來果何意一朝辭漢將歸魏吁嗟銅人如有知  
口不能言惟淚垂自從曹氏盜神器父子相傳已三世  
漢宮故物無一存汝獨猶能感舊恩淒然照影臨渭水  
一折銅人扶不起寧爲棄物委道旁不忍漂泊離故鄉  
迢迢東望雒城路回首長安秋日暮長安繁華非昔時  
雒陽寥落誰復悲漢魏興亡何日了長見銅人臥秋草

梁父吟 有序

諸葛孔明好梁父吟淡不滿二桃殺士之事  
辭氣慷慨可以想見其人嗚呼天若祚漢孔  
明不死天下事未可知吾于此重不滿焉

宋

金華詩錄 卷十

六

建安天下如潰瓜一榻之外非吾家黃屋飄颻定何許  
龍爲魚兮鼠爲虎老瞞詐力敢欺天朶頤羊鼎方垂涎  
紫髯將軍一攘臂控荆引越三千里慷慨山東大耳兒  
南飛烏鵲樓無枝草廬一語君臣契日中久已無吳魏  
堂堂大義凜不磨靈關劔閣空嗟我昨夜西南一星落  
六尺之孤竟誰托渭水旌旗歸故都江上空存八陣圖  
抱膝長歌出師表古柏蒼蒼爲誰老

梁父吟古有此曲諸葛武侯好爲此歌耳左克明樂

府以爲此亦葬歌陳思王八方各異氣篇亦擬梁父吟作則言邊海民寄食之蕭條也意各有主此篇則借梁父吟名詠武侯時事又別一體

田家歌

邨南邨北麥欲枯桑麻陰陰滿路隅炊黍田頭行餉夫

鑪餅未熟兒呱呱鴨頭長鞮短布襦平生未識鉛與朱  
彈箏不願如羅敷懷金不願逢秋胡眼前富貴何足娛  
一身飽煖自有餘茆檐笑語寒鐙孤夜春曉織奉舅姑

張德裕盤谷隱居

盤谷四面環青山晴嵐暖翠浮雲煙盤谷之阻多幽泉  
湛泉淡碧蛟螭蟠中有華屋貯神仙猿鳥不驚犬不喧  
竹侵行徑松礙檐人疑無路堪攀緣忽聞讀書聲琅然  
始信別是壺中天翩然振屐登其巔仰林俯壑天地寬  
桑麻盡處開平川千帆來往無時閒旁有一葉漁翁船  
出沒紅蓼黃蘆邊呼之來泊巖下灣就船置魚歸烹鮮  
煮茗有泉秫有田問之世事笑不言家藏黃石書一編  
安用李愿歸來篇我欲前峯卜數椽幅巾杖屨行其間  
日送歸鴻揮五絃閒窻靜聽松風眠

西湖荷花有感

我昔扁舟汎湖去回望荷花浩無數誰家畫舫倚紅粧  
笑聲迴入花溪處笙歌淒咽水雲寒花色似嫌脂粉汗  
夜深人靜月明中方識荷花有真趣水天倒浸碧琉璃  
淨質芳姿澹相顧亭亭翠蓋擁羣仙輕風微顫凌波步  
酒暈潮紅淺渥脣膚如凝脂腰束素一捻香肌薄翦冰  
半破芳心嬌泣露湖光花氣滿衣襟花落波寒浸香霧

宋

金華詩錄

卷十

七

恍然人在藥珠宮，便欲移家臨水住。回首落日低黃塵，  
十年不到湖山路。花開花落幾秋風，湖上青山自如故。  
野田黃雀行

鳴不擇上林，棲不依華屋。雄飛各呼雌，翩翩自相逐。渴  
飲野田水，饑啄野田粟。一飲一啄能幾何，慎勿遠飛投  
網羅。君不見金籠老鸚鵡，向人空作閒言語。

對雪

頑雲怙勢吞燭龍，一夜老盡江上峯。鸞駕鶴下瑤闕，  
羽衣森列飛行空。玉蚪天矯振鱗甲，獵獵怒戰誰爭鋒。  
銀河翦刻紛弄巧，姑射縹緲來無踪。造物奇幻不可測，

宋

金華詩錄

卷十

八

萬變歸我一慨中，重裘何富負薪何窮。烹茶何儉飲羔  
何豐，天意茫茫無問處。人事悠悠定何許，豐年固知雪  
可喜，貧民不以雪爲瑞。安得見現銷凝陰寒崖，草木皆  
生春。

夜燒松明火次黃養心韻

銀鑪熾炭麒麟紅，銷金帳暖熏籠烘。爨下有蠟可代薪，  
笑我夜寒痴坐然。枯松貧富貴賤何不公，安能排雲上  
叫天。九重空憐爾，松生抱有用材不遇匠。石梁棟施枅，  
幪盤根錯節屹立凍。不死凜凜勁氣猶足排嚴冬，顛崖  
峭壁人跡絕。閒雲流水相冥濛，胡爲明不能保身。丁丁

斧斤山其童鶉衣百結縮如蝟地鑪擁膝便可開從容  
當年權油幸不嚴汝禁餘用尙及斯民窮陽和無聲入  
骨髓不知夜雪沒屋霜橫空但見濛濛香霧靄四壁紅  
輝紫燄明窻櫺禦寒何必裘蒙茸盎然一室回春風何  
當散作一天煖坐令四海盡在春風中

山居

結屋萬山頂柴扉晝嬾開擣茶驚鶴醒拋果引猿來筍  
短和泥掘松高倚石栽有時尋勝去多趁暮鐘回

吾家二首

松陰六七里茆屋兩三家坡暖四時筍溪寒五月花泉

宋

金華詩錄

卷十

九

聲挾風雨雲氣走龍蛇誰謂謀生拙門前數畝瓜  
明月成三友青山結四鄰家貧猿執爨林靜鳥司晨好  
竹能醫俗幽花不媚人盤殮何所有春韭與秋蓴

伊昔四首

伊昔西湖柳清陰滿畫樓午涼欺舞扇晚雨繫漁舟春  
盡花無主風寒葉自秋六橋今在否空惜舊時遊  
伊昔西湖上孤山幾樹梅斷籬深院落流水舊亭臺明  
月無今古春風自去來逋仙不復作消瘦爲誰開  
伊昔西湖裏娉婷十里蓮香凝花上露影落鏡中天枕  
簟水亭雨笙歌月夜船雙鴛不解事長旁翠陰眠

伊昔西湖外清陰九里松天低淡雨露風怒走蛟龍林  
靄通樵徑山雲隔寺鐘何時一行樂重到北高峯

由今憶昔托境

言情故國之思凄然言外

### 得家書

久客秋又晚思家夢屢驚空階聞葉落隔樹見鐙明親  
老貧長健兒痴學未成淒涼今夜月照我故鄉情

### 棲真觀

空翠凝寒不受埃斷崖千尺擁崔嵬老僧倚樹驚猿去  
童子掃階知客來石徑暗因松露重茶煙遠趁竹風回  
禪家也辦吟邊料不種閒花只種梅

紫巖赤松宮詩云白石不隨秋草爛赤松長鎖暮雲

宋

金華詩錄 卷十

十

寒鹿田詩云徑入古松行落葉自隨飛鳥破寒煙亦佳句

### 半山亭

萬壘風光冷滴衣清泉白石鎖煙扉半山落日樵相語  
一徑寒松僧獨歸葉墮誤驚幽鳥去林空不礙斷雲飛  
層崖峭壁疑無路忽有鐘聲出翠微

### 瀟江亭

背依古塔面層峯曲曲闌干峻倚空萬屋參差秋色外  
片帆出沒樹陰中五更鐘鼓半山月兩岸漁樵一笛風  
極日子陵臺下路滔滔惟有水流東

### 春事

白了江梅柳又青遊絲千尺網紅塵鶉鴉夫婦孤邨雨  
杜宇君臣故國春客裏易添芳草思尊前誰是去年人  
桃花源上空流水安得漁郎一問津

清明次趙登韻

九十春光半晦明東郊攜手趁新晴飄零風絮如行客  
冷煖廚煙見世情宿雨鞦韆花有淚斜陽古冢草無名  
勸君且盡尊前興柳上一聲何處鶯

秋興次徐求之韻

誰謂四時秋最愁胡牀談詠晉風流山川長在英雄老  
草木無邊天地秋警雁一行漁唱晚斜陽萬里客凭樓

宋

金華詩錄 卷十

十一

茫茫遠水涵空碧興入蘆花第幾洲

紫巖詠史七首有云百二  
河山秦地險八千子弟楚

天亡首錄鄧侯忘紀信不誅項伯戮丁公鄭君不肯更名籍項伯胡爲賜姓劉對  
仗俱極工惜全首不稱又鄭氏園亭云梅邊讀易分明松下敲碁碎白雲句亦  
佳附錄  
于此

雜興

采藥歸來竹徑涼滿身草露溼衣香怕驚幽鳥穿林去  
不掃松花臥石牀

兜率寺

原注詩僧  
貫休道場

錢唐一劍倚霜寒萬水千山蜀道難瓶鉢生涯在何處  
秋風松子落詩壇

小三洞

原注予所居有小三洞金華  
洞天附庸也各賦一絕

四山回合響幽泉古木蒼藤路屈盤一局殘棋雙鶴去

石屏空倚白雲寒原注石上洞舊名白雲

洞門相對是吾家朝看煙雲暮看霞鐵笛一聲山石裂

老松驚落半巖花原注石中洞

斷崖怒涌四時雪虛壁寒凝六月霜洗鉢老僧閒洗鉢

碧桃花落澗泉香原注石下洞東萊呂公祖謙名以涌雪

秋江雜興次趙羽翁韻

鴈落蘆花洲外洲半川斜日獨凭樓笛聲何處鴈驚起

點破清江一片秋

杜濬之

金華詩錄卷十

十一

濬之字若川金華人旃孫領鄉貢宋亡晦迹寄食西峯僧寺以終

述志詩

寧枉百里步曲木不可息寧忍三日飢邪蒿不可食雖

云食息頃便分淑與慝志士當暮年聞道轉歷歷要使

此一身如琢復如滌整冠共納履微嫌費梳剔未若瓜

李地絕不見吾迹

書警

食李勿言苦食梅勿言酸不爲身所累且從心所安吾

分固云薄吾志亦非單靜看如山禍差之一念間所得

甚渺渺所失已漫漫百年修不足一朝容易殘誰處四  
壁立能知天地寬靜坐明月窟濯足清風灘

讀詩清節可風想見當日矯

志晦迹之槩

王執禮

執禮號竹寮金華人

遊玉仙洞題碧雲石崖

原注在臨安縣

已從鹿巖遊更入龍洞去橫足螭蟬行連臂猿猱度徑  
滑鏗蠟屐陰屋然樺炬杖策扶顛躋捫蘿猛攀附塗險  
幾欲窮境勝忽有遇谿衍通石竇參差流石乳形開趣  
彌溪興集理自裕便將遺世紛且復滋幽步紆徐窮冥

宋

金華詩錄 卷十

七

搜淹雷迫頽暮題詩識窻壁聊寫心跡素重遊豈無期  
恐忘來時路

錢王太廟

數間老屋半塵埃宗社雖存沒草萊尚有遺民呼太廟  
可堪游鹿上荒臺花開陌路空餘恨麥秀陵陂不盡哀  
三節還鄉平日志化爲杜宇定歸來

錦溪

微雲淡日半昏明初換春衫步履輕行到小橋幽絕處

高吟詩句答溪聲

三詩見咸淳臨安志

柳敘

敘字元德浦江人貫從父咸淳間官蘭谿尉遂  
家于蘭谿宋亡絕粒卒

橫山聳翠

蘭陰山跨灑溪南春破峯顏三月三松柏森森翻野籟  
竹梧隱隱撲晴嵐高摩雲漢千尋路倒浸峯巒百尺潭  
此外未知誰洞府試春遊騎必停驂

胡之純

之純字穆仲永康人長孺從兄登咸淳十年進  
士第踐履如古獨行與兄之綱從弟長孺皆以  
文學名稱三胡云

宋

金華詩錄 卷十

四

春日

春風蒲柳曲江頭恨與春波不盡流鶯換新聲啼綠樹  
燕尋舊壘認朱樓百年驕豢吳兒脆一味清談晉士休  
千古興亡惟有淚漫山花雨杜鵑愁

金趙太常之傑使宋還言  
事曰宋人文敏之極且脆

弱不足爲慮當時爲敵國所窺如此讀穆仲詩  
百年驕豢一聯其憂患深遠有小宛風人之旨

金似孫

似孫字叔肖蘭谿人少雋敏強記文科旣廢遂

一意于詩吳師道稱其負才不屑于俗其詩觸  
事感時亦足以附于風人之列喜植蘭自號蘭

庭有金蘭庭詩集

九日

秋老郊原雨薦涼  
寒花猶自未全黃  
江涵雁影楓初落  
霜滿蟹螯橙正香  
但把綠樽酬素節  
休誇金印擁紅粧  
人生幾遇重陽日  
忍向牛山泣數行

雙頭蘭

手種盆蘭香滿庭  
閑來趣味獨幽深  
敢誇雙萼鍾奇氣  
祇恨孤根出晚林  
長倩生男不得力  
滕公有女謾縈心

援琴欲和春風曲  
卻對騷魂費苦吟

吳正傳詩話西京雜記云長倩一子名勇滕公一子

二女金男女各一故其詩云然按此固用事律切其三四云敢誇雙萼鍾奇氣祇恨孤根出晚林志亦可悲矣

釋保暹

金華詩錄 卷十

五

保暹字希白金華普惠院僧景德初直昭文館

陳充所序九僧之一也有處囊訣

歐公詩話九僧詩集今不傳當時有

進士許洞俊逸士也嘗會諸僧分題出一紙約曰不得犯此一字其字乃山水風雲竹石花草雲霜星日禽鳥之類諸僧閉筆鄭樵通志藝文略九僧選句圖一卷詩數九僧五言律固皆晚唐調然無一字宋人也又云諸人皆與寇平仲楊大年同時其詩律精工學潔

一堵唐末五代鄙俗之態幾于升賈島之堂入周賀之室佳句甚多第自五言律外一無可觀而五言絕句亦不能出草木蟲魚之外故

不免為輕薄所困而見笑大方然詩固不當泥此按九僧者希暹

劍南人文北南越人行肇天台人簡長沃洲人惟鳳青城人惠崇淮

南人一作建陽人字昭江南人懷古義著人及保暹而九云

早秋閒寄宇昭

窻虛枕簟明微覺  
早涼生淡院無人語  
長松滴雨聲詩

來禪外得愁入靜中平  
遠念西林下相思合慰情

秋徑

杉竹清陰合閒行意有憑涼生初過雨靜極忽歸僧蟲迹穿幽穴苔痕接斷棱翻思淡隱處峯頂下層層上一詩見瀛奎

律隨天厨禁癩云自然令人愛悅不假人言然後為貴又秋居書懷云平生猶是客後夜更聞螢淡而彌古

宿宇昭師房

與我難忘舊多期宿此房臥雲歸未得靜夜話空長草際沈螢影杉西露月光天明共無寐南去水茫茫

寄行肇上人

舊隱湖西寺青青千萬峯來書度淡雪歸夢斷疎鐘開口與時僻論心似我慵流年共衰鬢昨夜又聞蛩發書保遲寄行

宋

金華詩錄

卷十

六

肇上人重登文兆師水閣寄白閣元貞秋居書懷皆真婉靈而貞元遺響

重登文兆師水閣

重來共倚闌臨水景多閒高樹下殘照寒潮平遠山夜吟長負宿秋病久思還早晚離城裏從茲定掩關寄白閣元貞云

絕頂無入上西風徹夜寒亦頗得高曠之樂

書杭州西湖涉公堂

孤舟孤鶴與孤雲湖上淡居自不羣高臥可能容一榻

青山西岸與平分

釋懷志

懷志金華吳氏子游湘上結菴于南嶽石頭二

十餘年崇寧初入滅

按少室山房筆叢云吾郡雙林大士偶有物先天地無形本寂寥能爲萬家主

不遂四時彫大士梁時人其偶純入唐格宏壯整嚴如此大士姓傅名翁字元鳳烏傷農家子一日遇嵩頭陀與談因地令臨水自照乃見頂光莊嚴法相具足因黃家修道梁武帝詔供養鍾山置刹號曰雙林佛家偈語近詩者多然畢竟是傷故附于此筆叢又云師一禪師婺州馬氏子詩云夜來月色十分好今日秋山分外青雙溪卽首座詩云一從近日生涯拙百鳥衝花去不來惜乎未得其全也又僧若芬仲石金華人爲上竺書記善畫自號芙蓉峯主有句題畫竹云不是老僧親寫曉來誰報平安見上天竺志

答範覺問住山

萬機俱罷付痴憨踪跡常容野鹿參不脫麻衣拳作枕

幾生夢在綠蘿菴

釋普應

普應號本中峯蘭谿正覺禪院住持

宋

金華詩錄 卷十

七

題金山寺

半江涌出金山寺一簇樓臺兩岸船月到中宵回白晝  
浪翻平地作青天埴鈴自觸微風語灘石長磨細浪圓  
龍化楚人來聽法手擎珠獻不論錢

趙元清

元清字石泉金華赤松觀道士有松花集

赤松宮一名寶

積觀呂成公遊赤松記至赤松長松莎落彌山華數百歲物度煉丹山訪二星君祠問石宇遺跡入小桃源兩岸夾澗奇石刻露亭宇相望有流觴曲水處碧巖底環青沙削被落紅出波上點綴映燈方列坐少憩數道士攜酒至取觴以浮談辨語笑悉霑醉去止寶積觀宿松聲聞響淒然相和如琴笙不絕蓋晝夜皆然按上所云元清日夕在古松流泉間其詩當與俱清也惜不多見

題江湖偉觀

鳳舞龍飛王氣蟠兩都賦在一闌干伍員不死江湖壯  
西子如生越水寒春日百花連上苑秋風落葉滿長安  
錢唐盡占東南美河洛何人著眼看

金華詩錄卷十

宋

金華詩錄

卷十

六

